

आकाशवाणी

पैहले खास-खास खबरां:-

1. भारत ते संयुक्त अरब अमीरात नै बरे 2032 तगर दपक्खी बपार गी दोगुणा करियै 2 सौ अरब डॉलर तगर पजाने पर सहमति जाहिर कीती।
2. भारतीय जनता पार्टी दे कारजकारी अध्यक्ष नितिन नबीन पार्टी दे नमैं अध्यक्ष होगंन।
3. नमीं दिल्ली दे कर्तव्य पथ पर आयोजित होने आहले गणतंत्र दिवस परेड लेई लगभग 10 जहार खास मेहमानें गी साददा दिता गया ऐ।
4. छत्तीसगढ़ दे गरियाबंद जिले च 6 महिलायें सनें 9 माओवादियें आत्म-समर्पण कीता।
5. भारत नै 2025 च 47 अरब डालर दा रिकार्ड इलैक्ट्रॉनिक्स निर्यात हासिल कीता ऐ।
6. ते “खेलो इंडिया विंटर गेम्स” दा पैहला गेड अज्जै थमां लद्दाख दे लेह च शुरु होआ रदा ऐ।

<><><><><><>

MEA-Briefing -PM UAE

प्रधानमंत्री नरेन्द्र मोदी ते संयुक्त अरब अमीरात यू.ए.इ दे राष्ट्रपति- शेख मोहम्मद बिन जायद अल निहान हुंदे बश्कार कल नमीं दिल्ली च प्रतिनिधिमंडल स्तह दी गल्लबात होई। इस दौरान दोनै पक्खे दपक्खी बपार गी बरे 2032 तगर दुगना करियै 2 सौ अरब डॉलर तगर पजाने पर सहमति जाहिर

कीती। बैठक दौरान भारत ते यू.ए.इ बश्कार रक्षा- अंतरिक्ष- ऊर्जा ते खाद्य सुरक्षा जनेह क्षेत्रे च केई समझौते पर बी दस्तख्त होए। बैठक मगरा मीडिया कन्ने गल्लबात च विदेश सचिव विक्रम मिसरी होरे आखेया जे दौने मुखे बश्कार रणनीतिक रक्षा सांझेदारी पर बुनियादी समझौते गी खीरी रुप देने आस्तै दस्तख्त कीते गे न। उने दस्सेया जे दौने मुखे HPCL इंडिया ते एडनाक गैस यू.ए.इ बश्कार तेल ते गैस कन्ने जुड़े दे समझौते पर बी दस्तख्त कीते। मिसरी होरे आखेया जे भारत ते यू.ए.इ नै भारत च इक सुपर-कम्पयुटिंग कलस्टर कायम करने पर सहमति जताई ऐ।

<><><><><><>

BJP -New President

भारतीय जनता पार्टी दे कार्जकारी अध्यक्ष नितिन नबीन पार्टी दे नमें अध्यक्ष होगन। पार्टी दे नैशनल रिटर्निंग अफसर डाक्टर के. लक्षमण होरे आखेया जे राष्ट्रीय अध्यक्ष दे ओहदे लेई छड़ा नितिन नबीन हुंदे नां दा प्रस्ताव कीता गया ऐ। हालांकि उन्दे राष्ट्रीय अध्यक्ष चुने जाने दी औपचारिक घोषणा अज्ज कीती जाग। राष्ट्रीय अध्यक्ष दा चुनां पार्टी दी राष्ट्रीय परिषद ते राज्य परिषदे दे प्रतिनिधिये दे मंडल आसेया कीता जंदा ऐ। इसलै केन्द्रीय मंत्री जगत प्रकाश नड्डा पार्टी दे राष्ट्रीय अध्यक्ष न। नड्डा होर जून 2019 च भाजपा दे राष्ट्रीय कारजकारी अध्यक्ष नियुक्त कीते गे हे ते मगरा जनवरी 2020 च उनेगी निविरोध पार्टी अध्यक्ष चुनी लैता गया हा- उने उसलै दे पार्टी अध्यक्ष अमित शाह हुंदी थाहर लैती ही।

<><><><><><>

Inter Ministerial Meeting

केन्द्रीय मंत्री भूपेन्द्र यादव- नितिन गडकरी- मनोहर लाल ते जी. किशन रेड्डी होंरें नमीं दिल्ली च इक अंतर-मंत्रालय बैठक च हिस्सा लैता। सोशल मीडिया दी पोस्ट च यादव होंरें दस्सेया जे बैठक च ई-कचरे सोया महत्वपूर्ण खनिजें गी परतियै हासिल करने पर व्यापक विचार-विमर्श होआ। उनें दस्सेया जे शैहरें च इलैक्ट्रॉनिक्स कचरे दे प्रबंधन ते राश्ट्रीय जरनैली सिडकें आस्तै पराने डम्प-साइटे सोयां निष्क्रिय समेयान दे परतियै इस्तेमाल दी समीक्षा कीती गई। यादव होंरें आखेया जे एह बैठक प्रधानमंत्री नरेन्द्र मोदी हुंदे मिशन लाइफ यानि पर्यावरण अनुकूल जीवन शैली गी बढ़ावा देने दे जल्नें दे मगरा आयोजित कीती गई ऐ।

<><><><><><>

SC- Air Fare

सुप्रीम कोर्ट नै हवाई कराए च होने आहले बाद्दे पर चिंता जाहिर कीती ऐ। न्यायमूर्ति विक्रम नाथ ते संदीप मेहता हुंदी पीठ नै इक जनहित याचिका पर सुनवाई करदे होई विमानन कम्पनियें आसेया हवाई कराए च कीते गेदे बड्डे मते बाद्दे गी यात्रियें दा शोषण दस्सेया। न्यायपीठ नै केन्द्र सरकार ते नागर विमानन महानिदेशालय सोयां इस सरबंधै च दखल देने लेई आखेया ऐ। निजी हवाई कम्पनियें दे कराए ते होर दुए शुल्क च होने आहले अप्रत्याशित बाद्दे गी

काबू करने आस्तै नियामक दिशा-निर्देश लेई जनहित याचिता दायर कीती गई ही। अगली सुनवाई 23 जनवरी गी होग।

<><><><><><>

Republic Day -Special Guests

रक्षामंत्रालय नै दस्सेया ऐ जे इस बरे नमीं दिल्ली दे कर्तव्य पथ पर आयोजित होने आहले 77में गणतंत्र दिवस परेड लेई लगभग 10 जहार खास मेहमानें गी साद्दा दिता गया ऐ। इसदे च आमदन ते रोजगार पैदा करने च टकोदा कम्म करने आहले बेहतर नमियां काहड्डां कड्डने आहलें स्टार्ट-अपस, आप सहायता समूह ते बक्ख-बक्ख चाली दे सरकारी जतनें दे तैहत बेहतर प्रदर्शन करने आहले लोग शामिल न। मंत्रालय नै आखेया ऐ जे इनें मेहमानें गी राष्ट्र निर्माण च उंदे योगदान आस्तै सम्मान देन ते राष्ट्रीय महत्व दे कार्यक्रमें च जन-भागीदारी बदाने दे मकसद कन्नै साद्दा दिता गया ऐ।

<><><><><><>

Chhattisgrah Maoists

छत्तीसगढ़ दे गरियाबंद जिले च 6 महिलायें सनें 9 माओवादियें आत्म समर्पण कीता ऐ। इनें सब्बनें पर कुल 48 लक्ख रपे दा ईनाम हा। इनें सारे पुलस महा निरीक्षण अमरेश मिश्रा हुंदे सामने आत्म-समर्पण कीता। माओवादियें इक ए.के-47- इसास रफल ते होर दुए हथियार बी उनेंगी सौंपे। इस मौके पर अमरेश मिश्रा होरें दस्सेया जे इनें माओवादियें दे आत्म-समर्पण मगरा गरियाबंद जिले च कोई बी सक्रिय माओवादी नैई बचेया ऐ।

<><><><><><>

Vaishnav- Electronics Exports

भारत नै 2025 च 47 अरब डॉलर दा रिकार्ड इलैक्ट्रानिक्स-निर्यात हासल कीता ऐ। इलैक्ट्रानिक्स ते सूचना ते प्रौद्योगिकी मंत्री अश्विनी वैष्णव होरें सोशल मीडिया दी इक पोस्ट च दस्सेया जे लगभग 30 अरब डॉलर उत्पादन आधारित प्रोत्साहन सोया संचालित स्मार्ट फोन दे निर्यात थवां हासिल होए। उनें आखेया जे इलैक्ट्रानिक्स मुख्य आसेया निर्यात कीते जाने आहला त्रीया सब्बनै थवां बड्डा उत्पाद ऐ। उनें आखेया जे 2015 च इलैक्ट्रानिक्स निर्यात च 11 गुणा बाद्दा होआ। वैष्णव होरें दस्सेया जे महिलायें दी मजबूत हिस्सेदारी भलेया लौहके-लौहके ते दरमयाने दर्जे दे उद्योगें आस्तै मौके ते युवाएं च लम्मी अवधि आहले हुनर विकास कन्नै 25 लक्ख नमैं रोजगार दे मौके पैदा होए न।

<><><><><><>

Vaishnav –Bullet Train

रेल मंत्री अश्विनी वैष्णव होरें आखेया ऐ जे मुम्बई -अहमदाबाद बुलेट ट्रेन प्रोजैक्ट लगातार प्रगति करा करदा ऐ। उनें दस्सेया जे ओवरहेड इलैक्ट्रिफिकेशन मास्ट लाने दा कम्म बी तेजिया कन्नै अग्गे बदा रदा ऐ। इक सोशल मीडिया पोस्ट च वैष्णव होरें आखेया जे एह विकास भारत दी पैहली हाई स्पीड ट्रेन आस्तै इलैक्ट्रिक ट्रेक्शन गी शुरु करने दी बक्खी महत्वपूर्ण गैं ऐ ते “मेक इन इंडिया” दे तैहत जमीनी सतह दे कम्मैं गी दर्शादा ऐ।

बनाए। परते च 179 रन्जें दे लक्ष्य दा पीच्छा करदे होई गुजरात जायंट्स नै 3 ओवरें च 5 रन्ज पर 3 विकटां मोहाई दितियां- जेहदे चलदे ओह निर्धारित 20एं ओवरें च छड़े 117 रन्ज गै बनाई सकी। तोंआई अज्ज दे मुकाबलें च दिल्ली कैपटिल्स ते मुम्बई इंडियंस वडोदरा दे बी.सी.ए स्टेडियम च आमने-सामने होगंन। एह मैच शामी 7:30 बजे शुरु होग।

<><><><><><>

IMD Weather

मौसम विभाग नै पंजाब दी किश थाहरें पर घना कोहरा छाए रौहने दी संभावना जताई ऐ। विभाग मुजब बिहार-हरियाणा-चंडीगढ़- दिल्ली ते पंजाब दे किश हिस्सैं च बी घना कोहरा छाए दा रहौंग। हिमाचल-प्रदेश च अज्ज सीत लैहर चलने दी संभावना ऐ। विभाग नै अगले 3 दिनें च महाराष्ट्र च घट्टो-घट्ट तापमान च 2 थवां 4 डिग्री दा फर्क औने दे असार जताए न। इस दौरान राष्ट्रीय राजधानी दिल्ली च हवा दी गुणवत्तता बड़ी गै खराब श्रेणी च बनी दी ऐ। केन्द्रीय प्रदूषण नियंत्रण बोर्ड मुजब अज्ज बड्डलै 7 बजे तगर औसत हवा गुणवत्ता सूचकांक AQI 398 दर्ज कीता गेआ।

<><><><><><>